

D'Nacht

Text und Musik : Luca Maurizio - Tempo: 62

Refrain: **dm gm dm / B C A7**
 dm gm dm / B C dm

*As wird tunkel, as khunnt d'Nacht,
d'Sterna lüchtand schu hell,
as wird tunkel, as khunnt d'Nacht,
an andra Tag goot jetzt ds End.*

Strophe: B / am / gm / F / e-dim7 / dm / C / dm (B A7)

*Und d'Hirscha verzellend sich Gschichta vum Wolf und vum Bär
unter dr alta Tanna zmitzt dinna im Wald,
vu Gwitter mit Blitz und Donner und vu Wintertäg,
wenn der Maga läär isch und dr Schnuuf iskalt.*

Refrain: **dm gm dm / B C A7**
 dm gm dm / B C dm

As wird tunkel, as khunnt d'Nacht...

Strophe: B / am / gm / F / e-dim7 / dm / C / dm (B A7)

*Und dr schlau Fuchs krüücht us sinara Hööli,
schliicht durchs dichta Gebüsch mit sim langa Schwanz.
Är dräät sini Rundi bis füra zur alta Müüli,
während d'Üüla singt im Dunkla vur Nacht.*

Refrain: **dm gm dm / B C A7**
 dm gm dm / B C dm

As wird tunkel, as khunnt d'Nacht...

Strophe: B / am / gm / F / e-dim7 / dm / C / dm (B A7)

*Und an Igel khunnt füra unter sim Wurzelstock,
är trifft as Häsli, wo knagt und as Wildschwii, wo grabt,
und a Dachs, wo immer no nit duscht hät und stinkt,
während d'Flädermüüs uufbrechand uf d'Muckajagd.*